

No. 773

佛说菩萨修行四法经

大唐天竺三藏地婆诃罗译

如是我闻：

一时佛在舍卫国祇树给孤独园，与大比丘众千二百五十人俱。尔时世尊告诸比丘：「汝等已得无量善利，当求无上佛大菩提。何以故？佛菩提者，世、出世间无等等故。若未来世诸众生等，发意欲求佛菩提者，当修四法。何等为四？一者、当发大菩提心，宁失身命，不应退转；二者、应当亲近善友，宁失身命，不应远离；三者、应修忍辱柔和，宁失身命，不生瞋恚；四者、当依寂静之处，宁失身命，不思愆闹。诸善男子！如是四法，菩萨摩訶萨应当修学。」

尔时世尊即说偈言：

「诸欲求胜果， 当发菩提心，
策勤精进行， 须依善知识。
忍辱佛所赞， 称为有力人，
空闲圣所居， 无畏犹师子。」

尔时世尊说此偈已，复作是言：「诸有智慧大慈悲者，能修如上四种之法，其人则能解脱生死，出离魔网，成等正觉，得大涅槃。」

尔时世尊说此经已，彼诸比丘及诸菩萨闻佛所说，皆大欢喜，信受奉行，作礼而去。

佛说菩萨修行四法经

【经文信息】 大正藏第 17 册 No. 0773 佛说菩萨修行四法经
【版本记录】 CBETA 电子佛典 Rev. 1.10 (Big5)，完成日期：
2009/04/23

【编辑说明】 本数据库由中华电子佛典协会（CBETA）依大正藏所编辑

【原始数据】 萧镇国大德提供，维习安大德提供之高丽藏 CD 经文，北美某大德提供，三宝弟子提供新式标点

【其他事项】 本数据库可自由免费流通，详细内容请参阅【[中华电子佛典协会数据库版权宣告](#)】
